

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Broj: 01-05-1015/16-4

Datum: 11.07.2016. godine

Na osnovu člana 64. stav 1. tačka b., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-848/16-3 od 23.06.2016. godine u postupku javne nabavke radova „Oblaganje dna riječnog korita u okviru Glavnog projekta regulacije korita rijeke Litve između dva mosta kod objekta općine Banovići“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke broj: 01-05-1015/16-3 od 11.07.2016. godine i Ugovor za javnu nabavku radova "Izgradnja energetske efikasne rasvjete na nastavku šetališta Trg žrtava Srebrenice i izgradnja odvodnih kanala, rekonstrukcija kanalizacione i toplovodne mreže na Trgu žrtava Srebrenice", dodjeljuje se ponuđaču „Gradnja -1“ d.o.o. Tešanj , sa sjedištem u Jelah, Rosulje bb ., ponuda broj: 01-P-32/2016, za ponuđenu cijenu od 229.737,74 KM , a ukupna cijena ponude iznosi 268. 793,15 KM sa PDV-om.

Član 2.

Shodno članu 98. stav 2. tačka a) Zakona o javnim nabavkama (Službeni glasnik Bosne i Hercegovine, broj 39/14) na ovaj Ugovor ne primjenjuju se rokovi mirovanja.

Član 3.

Ova Odluka stupa na snagu danom donošenja i objavit će se na internet stranici banovici.gov.ba istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

Obrazloženje

Odlukom o pokretanju postupka javne nabavke radova broj: 01-05-1015/2016 od 16.06.2016. godine donesenom od strane ovog organa pokrenut je postupak javne nabavke radova „Izrada energetske efikasne rasvjete na nastavku šetališta Trg žrtava Srebrenice i izgradnja odvodnih kanala, rekonstrukcija kanalizacije i toplovodne mreže na Trgu žrtava Srebrenice“ područje općine Banovići.

Predmetna javna nabavka predviđena je Planom javnih nabavki općine Banovići za 2016. godinu, broj 01-05-1681/15 od 28.12. 2015. godine, evidencijski broj 115, Izmjenama i dopunama Plana javne nabavke općine Banovići za 2016. godinu broj: 01-05-628/16 od 04.05.2016. godine, evidencijski broj 1i/16, i posebne odluke o pokretanju postupka javne nabavke od 16.06.2016. godine.

Javna nabavka radova sprovedena je putem otvorenog postupka.

Procijenjena vrijednost javne nabavke bez PDV-a je 230.000,00 KM.

Obavještenje o nabavci broj 1220-1-3-100-3-31/16 od 16.06.2016. godine, objavljeno je na Portalu javnih nabavki.

Tenderska dokumentacija objavljena je na Portalu javnih nabavki.

Komisija za javne nabavke imenovana rješenjem broj: 01-05-91/16 od 18.01.2016. godine, ovom organu dostavila je dana 11.07.2016.godine Zapisnik o ocjeni ponuda broj: 01-05-1015/16-2 i Preporuku o izboru najpovoljnijeg ponuđača za nabavku radova broj: 01-05-1015/16-3 od 11.07.2016. godine u postupku javne nabavke radova „Izgradnja energetske efikasne rasvjete na nastavku šetališta Trg žrtava Srebrenice i izgradnja odvodnih kanala, rekonstrukcija kanalizacione i toplovodne mreže na Trgu žrtava Srebrenice“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajući zapisnik, u kojem je utvrđeno slijedeće:

- da je ukupan broj pristiglih ponuda 1 (jedan),
- da je blagovremeno zaprimljena 1 (jedna) ponuda,
- da je 1 (jedna) ponuda ocijenjena kao prihvatljiva i to ponuda slijedećeg ponuđača:

1. "GRADNJA - 1" d.o.o. Tešanj, sa sjedištem u ulici Rosulje bb, Jelah
(datum predaje ponude 07.07.06.2016. godine; vrijeme predaje ponude 09:30 h),

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena u iznosu od 229.737,74 KM bez PDV-a, a ukupna cijena ponude iznosi 268. 793,15 KM sa PDV-om.

Iz navedenih razloga, primjenom člana 64. stav 1. tačka b. a u vezi sa članom 70. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

DOSTAVITI:

1x Ponuđaču

koji je učestvovao u postupku JN

1x U spis

